



漢書門
類號函架冊

漢書門
類號函架冊

内閣文庫	
番號	漢 13010
冊數	120 (120)
函號	301 64





升麻加黃連湯

面

升麻

葛根

白芷

甘草

白芍藥

酒黃連

生犀末

川芎

荆芥穗

薄荷

右剉如麻豆大，用米半盞先浸，川芎、荆芥、薄荷、外都作壹服，水貳盞煎至壹盞，入先浸參味煎至柒分，去渣，食後溫服，忌酒、濕、麪、五辛。

升麻加附子湯

升麻

葛根

白芷

黃芪

各柒分

甘草

炙伍分

黑附子

柒分

人參

草豆蔻

各伍分

益智仁

叁分

右剉如麻豆大都作壹服水叁盞連鬚白葱

頭貳莖同煎至壹盞去渣溫服食前

茯苓桂枝五味子甘草湯

見喘

調胃承氣湯

見發熱

附子理中丸

巴戟丸

俱見惡寒

沖和順氣湯

升麻

壹錢

葛根

壹錢半

甘草

肆分

芍藥

叁分

白芷

壹錢

黃芪

捌分

防風

壹錢

人參

柒分

蒼朮

叁分

右件咬咀都作壹服水貳盞薑叁片棗貳枚

同煎至壹盞去渣溫服

犀角升麻湯

治風熱頭面腫痛或咽喉不利

時毒等證

犀角

銖柒錢

升麻

伍錢

防風

羌活 各伍錢半

白芷

黃芩

白附子 各貳錢半 甘草 壹錢伍分

右每服柒錢水煎

治面上肺風瘡

右用無灰酒於沙碗鉢內濃磨鹿角尖傅之

兼服治腎臟風黃耆丸即愈 見助產

硫黃膏 治面部生瘡或鼻臉赤風刺粉刺百

藥不効者惟此藥可治妙不可言每臨卧時

洗面令淨以少許如面注用之近眼處勿塗

數日間瘡腫處自平赤亦消風刺粉刺一夕見効

生硫黃

香白芷

括萋根

膩粉 各半錢

芫青 米箇去翅足

全蠍 壹箇

蟬退 伍箇洗去泥

右為末麻油黃蠟約度如谷面油多少熬熔

取下離火入諸藥在內如法塗之下方加雄

黃蛇牀子各少許

柏連散 治面上有熱毒惡瘡

胡粉炒

大柏炙

黃連

右等分爲末面脂調傅猪脂亦可

洗面藥方治面有黥點或生瘡及粉刺之類并

去皮膚瘙痒垢膩潤澤肌膚

皂角叁斤去皮
弦子另搗

糯米壹升
貳合

菜荳糊合揀
淨另搗楮實子伍兩

三柰子

縮砂連皮
半兩

白芨貳兩肥
者剉

甘松柒錢

升麻半兩

白丁香伍錢臘月
收揀淨

右柒味同爲細末訖和菜荳糯米粉及皂角

末壹處攪勻用之効

面油摩風膏

麻黃貳分

升麻根貳錢
去皮羌活壹兩
去皮

防風貳錢

當歸身壹錢白芨壹錢

白檀伍分

右以綿裹定前藥於銀石器中用油伍兩同熬得所澄清去查以黃蠟壹兩再煎熬爲度

瑩肌如玉散

白丁香壹兩

香白芷柒錢

升麻半兩

白芨 壹兩

麻黃 去節 貳錢

白牽牛 壹兩

當歸 稍兩半

白附子 貳錢半

白蒺藜 壹兩

楮實子 肆錢

白茯苓 參錢 連翹 壹錢半

白斂 壹兩

小椒 壹兩

右為細末每用半錢多少洗之

咽喉

喉痺

甘桔湯 劑和治風痰上壅咽喉腫痛吞吐有礙

礙

苦桔梗 兩壹

炙甘草 貳兩

每服參錢水壹盞煎未分食後溫服

荆芥湯 治咽喉腫痛語聲不出嚥之痛甚

荆芥 半兩

桔梗 貳兩

甘草 壹兩

右判散每服肆錢水壹盞薑參片煎陸分去

查溫服

甘露飲 見齒

半夏桂枝甘草湯 活治暴寒中人咽痛

半夏

桂枝

甘草 各貳錢半

水貳盞生薑伍片煎至捌分去滓旋旋呷之

解毒雄黃丸 和治纏喉風及急喉痺卒然倒仆

牙關緊急不省人事

雄黃 研飛

鬱金 各壹兩

巴苳 去皮出油拾肆枚

右為細末醋煮麪糊為丸如菉豆大熱茶清

下柒丸吐出頑痰立甦未甦再服如至死

心頭猶熱灌藥不下即以刀尺鐵匙幹開口

灌之下咽無有不活如小兒驚熱痰涎壅塞

或貳丸叁丸量大小加減下法用雄黃丸叁

粒醋磨化灌之尤妙其痰立出即瘥

小續命湯 見中風

玉鑰匙 三因治風熱喉痺及纏喉風

硃砂 壹兩

硼砂 半兩

腦子 壹字

白殭蠶 貳錢伍分

右為末以竹管吹半錢入喉中立愈

玉屑無憂散和治纏喉風咽喉疼痛語聲不出
嚥物有礙或風涎壅滯口舌生瘡大人酒癩
小兒妳癖或保吞骨屑哽塞不下

玄參去蘆

貫衆去蘆

滑石研

砂仁

黃連去鬚

甘草炙

茯苓

山荳根

荊芥穗各半兩

寒水石

煨壹兩 礪砂壹錢

右為細末每服壹錢乾摻舌上以清水嚥下
此藥除參戶去捌邪辟瘟療渴

清心利膈湯

治咽喉腫痛痰涎壅盛

防風

荊芥

薄荷

桔梗

黃芩

黃連各壹錢半

山梔

連翹

玄參

大黃

朴硝

牛蒡子炒研

甘草

各柒分

水貳鍾煎至壹鍾食遠服

碧玉散

寶鑑

治心肺積熱上攻咽喉腫痛閉塞水

漿不下或喉痺重舌木舌腫脹皆可服

青黛 盆硝 蒲黃
甘草 各等分

右為細末研勻每用少許吹入咽喉內細細
嚥下若作丸用砂糖為丸每兩作伍拾丸每
服壹丸噙化嚥下

防風散 治咽喉疼痛虛者用少實者用多

防風 去蘆壹兩 羌活 殭蠶 炒

白藥子 蜜炙 硼砂 荊芥

黃藥子 大黃 濕紙包煨令香熟

細辛 川芎 紅肉消

山荳根 鬱金 甘草 各半兩

牙硝 叁錢 薄荷 半斤

右為細末研薄荷汁同蜜少許調每服壹匙
不拘時服

追風散 治咽喉腫痛

黃丹 朴硝 猪牙皂角 煨

砂仁殼 煨灰各半兩

右為細末每用少許以鵝毛蘸藥入口中傳

舌上下及腫處然後以溫水灌漱如咽喉間
毒已破瘡口痛者用猪腦髓蒸熟淡薑醋蘸
喫下立効

開關散寶鑑治喉風氣息不通

白殭蠶炒去絲枯白礬各等分

右為細末每服叁錢生薑蜜水調下細細服之

七寶散 治喉閉及纏喉風

殭蠶直者拾箇

硼砂

雄黃

全蠍拾箇頭尾全者去毒

明礬

猪牙皂角壹挺去皮

膽礬半錢

右為細末每用壹字吹入喉中即愈

干縉湯見痰飲 四物湯見虛勞

五香散 治咽喉腫痛諸惡氣結塞不通急宜服之

木香 沉香 雞舌香

重陸香各壹兩 麝香叁分

右為細末研勻每服貳錢水壹盞前伍分不

狗時服

瓜蒂散 治纏喉風咽中如束氣不通

右用甜瓜蒂不限多少細研為末壯年壹字拾伍歲已上及年老者服半字早晨用井花水調下壹時煩含砂糖壹塊良久涎如水出年深者涎盡有壹塊如涎布水上如鑑涎盡食粥壹兩日如吐多困甚即噉麝香湯壹盞麝香須細研以溫水調下此藥不大吐逆只吐涎水右瓜蒂須採自然落者用如未用以

檳榔葉裹於東牆有風處挂令吹乾用

烏犀膏用必治咽喉腫痛及一切結喉爛喉遁尸

纏喉痺喉急喉飛絲入喉重舌木舌等證

皂莢兩條子搥碎用水參升浸壹時久接汁去查入瓦器內熬成膏

好酒壹合 燄硝 百草霜研壹錢同皂角

膏攪勻 人參壹錢為末 硼砂

白霜梅各少許並研入膏中

右拌和前藥用鵝毛點少許於喉中以出盡頑涎為度却嚼甘草貳寸嚥汁吞津若木舌

先以麤布蘸水揩舌冷次用生薑片擦之然後用藥

備急如聖散寶鑑治時氣纏喉風漸入咽喉閉塞

水穀不下牙關緊急不省人事

雄黃細研 藜蘆厚者去皮用仁 白礬飛

猪牙皂角去皮弦

右等分為細末每用壹壹大鼻內噴之立効

壹字散必用治喉閉氣塞不通飲食不下

雄黃另研 白礬生研 藜蘆各壹錢

猪牙皂角柒枚 蜈蚣柒枚

右為末每用壹字吹入鼻中即時吐出頑涎

愈

王粉丸見瘡

咽痛 三黃丸見發熱

龍麝聚聖丹寶鑑 治心脾客熱毒氣攻衝咽

喉赤腫疼痛或成喉痺或結硬不消愈而復

發經久不瘥或舌本腫脹滿口生瘡飲食難

嚥並宜服之

南硼砂 研 川芎 各壹兩 生地黄

犀角屑 麝羊角屑 琥珀 研

玄參 桔梗 升麻

鉛白霜 研 連翹 各伍錢 赤茯苓

馬牙硝 腦子 研 人參

麝香 各叁錢 硃砂 飛 牛黃 研各 貳錢

右為細末煉蜜為丸每兩作拾丸用金箔伍拾片為衣每服壹丸薄荷湯或新汲水化下或細嚼或噙化津液嚥下皆可食後臨臥服

祛毒牛黃丸 治大人小兒咽喉腫痛舌本強

硬滿口生瘡涎潮喘急飲食難進胸膈不利

牛黃 研叁錢半 人參 琥珀 研

犀角 取細末 桔梗 生地黄 沉水 者佳

硼砂 各半兩 雄黃 壹兩 飛 玄參

升麻 各叁錢 蛤粉 水飛 肆兩 寒水石 煨貳兩

硃砂 飛研 肆錢 鉛白霜 腦子 各壹錢

右為細末煉蜜丸如小彈子大金箔為衣磁器內收每服壹丸濃煎薄荷湯化下或新汲

因候 頁八

水化服亦得食後日進貳參服噙化亦得

咽喉備急丹

青黛

芒硝

白殭蠶

各壹兩

甘草

肆兩

右為細末用臘月內牛膽有黃者盛藥其中
陰肆拾玖日多時為妙

增損如聖湯寶鑑治風熱攻衝會厭語聲不出咽

喉妨悶腫痛

桔梗

貳兩

炙甘草

壹兩半

枳殼

湯浸去穢
貳錢半

防風

半兩

右為細末每服參錢水壹大盞煎至柒分去

渣入酥如棗許攪勻食後溫服

利膈湯本治虛煩上壅脾肺有熱咽喉生瘡

雞蘇葉

荆芥

防風

桔梗

人參

牛蒡子

隔紙炒

甘草

各壹兩

右為細末每服壹錢沸湯點服如咽痛口瘡

甚者加殭蠶壹兩

因侯

頁

三

桔梗湯東垣治咽腫微覺痛聲破季冬合之

麻黃存節 伍分 桔梗壹錢 黃芩叁錢

甘草壹錢 白殭蠶叁錢 馬屁勃壹兩

桂枝少許 當歸身叁分

水貳盞煎去渣稍熱服食後徐徐呷之

金沸草散 辰砂化痰丸俱見咳嗽

發聲散實鑑治咽痛不妨嚥物嚥物則微痛不宜

用寒涼藥過泄之此妨悶明熱也

括萁壹箇 白殭蠶半兩 桔梗新白者 錢半炒

甘草貳錢 炒

右為末每用少許乾摻咽喉中若大腫痛左

右有紅或只壹壁紅紫長大而水米不下用

此藥壹錢朴硝壹錢七和勻乾摻喉中嚥津

如喉中生赤腫或有小白頭瘡用此藥壹錢

七白礬半錢細研如粉和勻乾摻之

碧雲散

白礬明淨 壹錢 巴荳壹粒 去殼

右以白礬為末瓦上鎔成入巴荳在礬內候

礬乾為度細研分作肆服每壹字以竹管吹入咽中涎出為効又方用青礬雞蘇丸見吐血辰砂五苓散見消癰

乳蛾 羅青散瑞竹治單雙乳蛾

蒲黃 伍錢

羅青

盆硝研各參錢

甘草 貳錢

右為細末每服壹錢冷蜜水調細細嚥之吞不下雞翎蘸藥喉內掃之立効

粉香散 吹乳蛾即開

白礬 參錢

巴豆參粒去皮油 輕粉

麝香 各少許

右於鐵器上熬礬令沸入巴豆在礬內候粘去巴豆不用將礬研末入粉麝吹喉中

乾薑散因治懸癰熱卒暴腫大

根下乾薑 半夏湯洗去滑等分

右為細末以少許著舌上嚥津

玄參散本治懸癰痛不下食

玄參 壹兩

升麻

射干

大黃 各半兩 甘草 貳錢半

右為細末用米煎至柒分放溫時時含嚥良驗

射干丸 治懸癰腫痛咽喉不利

射干 炙甘草

杏仁 湯洗去皮尖及雙仁 川升麻

川大黃 微炒 木鼈子 各貳錢半

右為細末煉蜜和丸如小彈子大常含壹丸

嚥津

燒鹽散 治喉中懸癰垂長咽中妨悶

燒鹽枯礬研細各等分和勻以筋頭點之即消

馬牙硝散 治喉癰及傷寒熱後咽痛閉塞不通毒氣上衝

通毒氣上衝

馬牙硝細研每服壹錢綿裹含嚥津以通為度

射干散 治懸癰腫痛咽喉不利胸中煩熱

射干 天竺黃 研 馬牙硝 研各壹兩

因疾

頁八

犀角屑

玄參

川升麻

白礬

白藥

黃藥

炙甘草

各半兩

右為細末研勻煉蜜和搗參貳百杵丸如小彈子大不拘時以綿裹壹丸含嚥津

硼砂散

治懸癰腫痛

硼砂

研

馬牙硝

滑石

寒水石

各貳錢

片腦

研半錢

白礬

壹錢半

右為細末每用半錢不拘時新汲水調服

啓關散

治風熱客搏上焦懸癰腫痛

惡實

炒

甘草

生用各壹兩

右為細末每服貳錢七水壹盞煎陸分旋含

之良久嚥下

咽喉生瘡黃芪散

治咽喉生瘡疼痛

黃芪

檳榔

紫苑

洗去土

牛蒡子

梔子仁

赤茯苓

甘草

生用各半兩

麥門冬

去心

玄參

各壹兩

川升麻

黃芩

各叁錢

因疾

頁八

頁六

右剉碎每服壹錢水壹盞煎至陸分去滓溫服

桃紅散 治喉中生瘡腫赤紫色咽嗑痛嘔物有妨

金箔 拾片 銀箔 拾片 鉛白霜 少許

寒水石 肆兩 太陰玄精石 貳兩貳味搗碎

煨令通赤取出埋地土內出火毒研細 馬牙硝 研

丹砂 研 甘草 炙為末 各壹兩

右為細末研勻每服壹字甘草水調下或以

稀糯米粥丸如豌豆大含化嚥津

琥珀犀角膏 治咽喉口舌生瘡菌

真琥珀 研 犀角 屑生用 各壹錢 人參 去蘆

酸棗仁 研 茯神 去皮 辰砂 研各

片腦 壹字

右為細末研勻煉蜜和為膏以磁器收貯候其疾作每服壹彈子大以麥門冬去心濃煎湯化下壹日連進伍服

救命散 治脾胃熱毒上攻咽喉有瘡并纏喉

因疾

頁八

頁二

風

膩粉 參錢七 五倍子 貳錢半 大黃 剉炒

白殭蠶 直者炒 黃連 生甘草 各半兩

右為細末每服壹字太人以竹筒吸之小兒以竹筒吹之如餘毒攻心肺咽有瘡用男孩兒妳汁調藥壹字以雞翎探之嘔者生不嘔者死

牛蒡子丸 治咽喉內熱毒所攻生瘡腫痛

牛蒡子 壹兩微炒 川升麻 黃藥子

乾浮萍草 玄參 甘草 生用各半兩

右為細末煉蜜和丸如小彈子大常含壹丸
嚥津

硼砂散 治心脾風熱所發咽喉生瘡腫痛或

子舌脹或木舌重古腫悶塞水漿不下

硼砂 研參兩 薄荷葉 蒲黃 各壹兩

寒水石 燒過研貳兩半 貫眾

玄參 青黛 研 白茯苓 去皮

縮砂仁 滑石 研 荆芥穗

山豆根

甘草 生用各半兩

右為細末研勻每服半錢不拘時用新汲水調下或諸舌脹摻在舌上嚙津

咽中如梗

半夏厚朴湯

即四七湯見氣門

射干散

治咽喉中如有物妨悶噎塞疼痛嚙

物不下

射干

桔梗

川升麻

犀角屑

各錢

木香

木通

剉各半兩

紫蘇子

炒

訶黎勒

去核

檳榔

枳殼

去穰ヲ熨炒

赤茯苓

炙甘草

各壹兩

右剉細每服參錢水壹盞煎至捌分去滓不拘時溫服

含化龍腦丸

治咽喉中有物如彈丸日數深

遠津液難嚙作渴疼痛即須深針腫結處散盡毒氣

龍腦

麝香

研各貳錢半

川升麻

馬牙硝

鍾乳粉

黃芪 各壹兩

川大黃

微炒

炙甘草

各半兩

生地黄

伍兩取汁和藥

右為細末研勻以地黄汁更入煉蜜和丸如
彈子大不拘時以綿裹壹丸噙化嚥津以咽
喉通利為度

木香散 治咽喉中如有物噎塞吞不能入吐
不能出

木香 半兩

紫雪

射干

麝羊角屑

犀角屑

檳榔 各壹兩

玄參

桑根白皮

川升麻 各壹兩

右剉碎每服叁錢水壹盞煎三五沸分三次吞下

拘時溫服

絡石湯 治咽喉中如有物噎塞

絡石 卽石薺

紫苑 去苗土 升麻 各半兩

射干 各半兩

木通

赤茯苓 去黑皮

桔梗 壹兩

右剉碎每服伍錢七水壹盞半煎至捌分去
滓食後溫服如要通利及湯成加芒硝末壹
錢七攪勻服之

四味湯 治咽喉中如有物嚥吐不利

因候

類考

百九

半夏 以生薑汁洗切洗 厚朴 刮去麁皮以生薑汁洗

陳橘皮 以湯浸去白 赤茯苓 刮去黑皮

右剉碎每服參錢七水壹盞入生薑壹棗大

擘碎煎至陸分去查食遠温服

杏仁煎丸 治咽喉食即噎塞如有物不下

杏仁 湯浸去皮尖及雙仁炒半兩 官桂 去麁皮

枇杷葉 拭去毛炙 人參 各壹兩

右為細末煉蜜和丸如櫻桃大每服壹丸含化嚙津以瘥為度

皮膚

桑皮飲 治皮膚痛不可手按

桑白皮 貳錢 乾葛 柴胡

枯黃芩 玄參 各壹錢 地骨皮

天門冬 麥門冬 各壹錢半 甘草

木通 各肆分

右水貳盞薑參片葱壹寸煎捌分食遠服取

微汗

澤膚膏 治皮膚枯燥如魚鱗

牛骨髓

真酥油

各等分

右貳味合煉壹處以淨磁器貯之每日空心用叁匙熱酒調服蜜湯亦可久服滋陰養血止嗽榮筋

大黃麀蟲丸

見虛勞

葦莖湯

當於瘍科求之

髭髮

張天師草還丹

海藏此上少陰下厥陰藥也

地骨皮

生地黄

兔絲子

酒浸剉宿炒黃

牛膝

遠志

去心

石菖蒲

各等分

右為細末煉蜜丸如桐子大每服叁拾丸空心溫酒下鹽湯亦可脩合忌女人雞犬見

七寶美髯丹

補腎元烏鬚髮延年益壽

何首烏

赤白雌雄各壹斤

川牛膝

捌兩

以何首烏先用米泔水浸壹日夜以竹刀刮去麤皮切作大片用黑豆鋪甑中壹層

却鋪何首烏壹層再鋪豆壹層却鋪川牛膝壹層又豆壹層重重相間面上鋪豆覆之豆熟為度取去豆晒乾次日如前用生豆再蒸如法蒸米次晒米次去豆用破故紙半斤以水洗淨用黑芝藤

白茯苓半斤用人乳汁拌浸透晒乾蒸過

赤茯苓半斤用黑牛乳汁浸透晒乾蒸過

兔絲子半斤酒浸壹宿洗去砂土晒乾蒸叁次晒叁次

當歸身半斤淨身去頭尾酒洗過 枸杞子半斤去蒂枯者

右末之煉蜜丸如龍眼大每白空心嚼貳叁

丸溫酒下或米湯白湯鹽湯皆可有製藥器

玄精丹 北方黑色入通于腎開竅於貳陰藏

精於腎其味鹹其類水其病在骨此藥主之

血餘自己髮及父子壹本者及少壯男女

髮揀去黃白色者用灰湯洗二三次再以

太皐角肆兩槌碎煮水洗淨務期無油氣

為佳將髮扯碎曬乾每淨髮壹片用川椒

肆兩揀去梗核於大鍋內髮壹層椒壹層

和勻以中鍋蓋之鹽泥固濟勿令泄氣桑

兩有餘於無風處研為細末

何首烏 用黑豆、玫瑰、蒸、晒、揀、去、豆、取、淨、末、壹、斤

黑脂麻 取、淨、末、捌、兩

生地黄 懷慶、沉、水、者、酒、浸、杵、膏、捌、兩

桑椹 取、淨、汁、熬、膏、肆、兩

早蓮草 取、淨、汁、熬、膏、肆、兩

膠棗肉 研、膏、貳、兩

槐角子 人、牛、膽、內、百、日、肆、兩

右以藥末入諸膏和勻加煉蜜壹斤成劑入石臼內春千餘下如桐子大每服陸拾丸空

破故紙 炒、取、淨、末、肆、兩

熟地黄 同上、製、捌、兩

女貞實 肆、兩

胡桃肉 研、膏、貳、兩

心用何首烏釀酒每温貳叁杯送下日叁

青絲散 東垣補虛牢牙黑鬚

香白芷 各、伍、錢 母丁香

細辛 當歸 川芎

甘草 甘松 各、叁、錢 升麻

早蓮草 地骨皮 生地黄

熟地黄 青鹽 破故紙 各、貳、錢

寒水石 朱、錢、煨 香附米 壹、兩、生、薑、汁、浸、壹、宿、炒

何首烏 壹、兩 麝香 伍、分 高茶末

爲朱庚日爲始背東面西擦牙早不見日夜
不見燈刷畢嗽藥餘津潤髭壹月頓黑忌食

擦牙方

陸月陸日取槐枝刀剉碎如黃豆麤用壹斗
著東流水壹桶煮至伍分撈去槐枝又煎至
叁分用食鹽叁斤入鍋炒乾取出研細用黑
鉛壹斤鍋煨成灰與前鹽羅成末再入鍋炒
如磚色每日擦牙取漱口水通著打肆鬚并
髮令自乾日久去頭風固齒去酒刺烏鬚髮

擦牙烏鬚方

豬牙皂角

赤錢炮

白茯苓

去皮

破故紙

熟地黄

酒浸

五倍子

製

青鹽

細辛

各叁錢
去根土

桑椹子

晒乾
伍錢

右爲細末每清晨擦牙用水漱口洗鬚鬢不
可將漱水入盆內恐傷眼目

易便擦牙方

用五倍子大者壹百箇裝食鹽壹斤鋪在鍋
下內大火燒過存性爲細末每日擦之

髮類
百五

丁砂散瑞竹掠髭髮

大訶子壹箇母丁香拾伍箇百藥煎壹錢

針砂少許醋炒柒次高茶末

右為細末用水壹大椀熬數沸不去滓收於淨磁器內每夜臨卧温漿洗淨髭髮用藥水掠之次早再用温漿水淨洗百日其髭髮自黑藥用更浸壹新釘尤妙

訶子散瑞竹

訶子兩箇沒食子 百藥煎各參兩

金線礬壹兩針砂叁兩用好醋壹椀磁

右將蕎麥入針砂打糊先壹夜將針砂糊抹在頭上用荷葉包到天明温漿水洗淨次夜却將前藥末肆味調入針砂糊內用生薑壹塊搥碎再加些少輕粉壹處調勻抹在頭上仍用荷葉包到天明用温漿水加清油數點在內洗淨其髮黑且光

製五倍子法

揀大五倍子去蛙屑敲作碎粒分麤細為貳

髮類

百五

百五

先將麤片於瓦器中內用文火炒成糊次入
細者同炒初時太黑煙起取出不住手炒將
冷又上火炒昏黃煙起又取開炒再上火炒
青黃煙間出即住火先以真青布壹大片浸
濕將五倍子傾在布上捏成壹團用脚踏成
餅上用濕泥壹擔禽壹夜色如烏鴉羽為妙
磁器盛之勿令泄氣

烏鬚易簡方

製五倍子

壹錢 膽礬

白礬 各半釐

鹽

壹分 肆釐

榆皮麪

貳分

右俱研細末茶清調如稀糊隔湯頓稠黃昏
乘熱刷上待有壹箇更次洗去

又方

金鈴

壹錢

青錠粉

叁分

海沙

壹分

樟腦

半分

右和勻茶海調搽髮點線香壹炷完即洗
去以油潤之

點白方

每日拔去白鬚即以銀簪點丁香末和薑汁
在根孔內則再生黑鬚

又方

銀礦

當歸

各參錢 白礬 生

飛麩

真粉

各壹分 朱砂 壹分半

右用清水調拔去白鬚點如前

浸油

銀礦

壹兩

當歸

叁兩

核桃油

捌兩

右末浸磁罐內柒日後搽

黑雲散

五倍子 炒

百藥煎

生胡桃皮

青石榴皮

訶子肉

青木瓜皮

青柿子皮

何首烏

猪牙皂角

炒黑

青礬

細辛

水銀

各等分

右以水銀入石榴皮內月餘再以搗皮曬乾
同諸藥研末煉蜜丸如小錢大常於木炭灰
內培養勿得離灰如要烏鬚髮時先用皂角
水洗淨次用熱酒調化塗之好熱醋亦可

髮髮

頭皮

髮

滋榮散

瑞竹長養髮髮落最宜

生薑

焙乾

人參

各壹兩

右為細末每用生薑壹塊切片蘸藥末於髮

落處擦之貳日壹次

三聖膏用必治髭髮脫落能令再生

黑附子

蔓荊子

柏子仁

各半兩

右為末烏雞脂和勻搗研乾置瓦盆內封固

百日取出塗脫處叁伍日即生

腋氣

六物散

治漏腋腋下手掌足心陰下股裏常

如汗濕汚衣

乾枸杞根

乾薔薇根

甘草

各貳兩

胡粉

商陸根

滑石

各壹兩

右為末以苦酒少許和塗當微汗出易衣更

塗之不過叁著便愈或壹歲復發又塗之

治陰汗鷓臭兩腋下臭不可與人同行

白礬

蜜陀僧

黃丹

各貳錢半

腋氣

真

真

麝香 伍分

右於乳鉢內研如飛塵以醋於手心內調藥末搽腋下經兩時辰許却以香白芷煎湯洗之壹日用壹次

治腋臭神效

蜜陀僧 肆兩

白礬 枯過 貳兩

輕粉 叁錢

右為細末頻搽兩腋下擦至半月見效半年全愈

又方 如前

蜜陀僧 壹兩

白礬 柒錢

硃砂

麝香 各少許

右為細末先用皂角煎湯洗後傅上

又方

用白礬飛過不以多少臨睡時以紙襯桌上伸手托壁柱上以藥乾揩令腋下十分熱痛兩腋指徧先於日中將所著上截衣服用灰汁淨洗又泡去衣袖中臭氣皆無氣息如新衣方可著若洗氣息不斷枉用其藥太緊藥

無不驗多是衣服再作氣故不能斷根一方
用燒好礬石末絹袋盛常以粉腋下不過十
度一方唾調塗之

治腋氣方

右用熱蒸餅壹枚擘作兩片摻蜜陀僧細末
壹錢許急挾在腋下畧睡少時候冷棄之如
壹腋有病只用一半葉元方平生苦此疾來
紹興偶得此方用壹次遂絕根本

又方

擇去腋下毛以甘遂半兩為末用猪肉兩片
薄批開將甘遂摻肉上午後貼放兩腋下候
明且五更濃煎甘草半兩為湯壹碗服之良
久瀉出穢物即瘡

又方

治腋氣先用刀削去腋毛淨用白定粉
水調搽傳患處至過陸柴日夜後次日早看
腋下有壹黑點如針孔大用筆點定即用艾
炷灸柒枚灸過攻心中痛當用後藥下之

青木香

檳榔

丁香

檀香

麝香

大黃

右煎服以下為度

[Faint bleed-through text from the reverse side of the page]

蠱毒

解毒丸古潔善治男子婦人及小兒一切積熱不

解停留作毒上焦壅熱咽喉不利口乾多渴

伏暑困悶霍亂不寧或山嵐瘴氣及食毒酒

毒吐逆不定遊風丹毒迷惑昏困不省人事

虛煩發躁赤白口瘡善解四時傷寒之疾發

散瘟疫毒邪之氣及四方人不服水土一切

諸毒並皆解之常服補真益氣化毒除風神

效不可細述

滑石

黃芩

貫衆

茯苓

山梔子

乾薑

草龍膽

大豆

青黛

甘草

薄荷

寒水石

各壹兩

益智仁

砂仁

大黃

山豆根

生地黄

桔梗

百藥煎

紫河車即蚤休

菘豆粉

馬屁勃

板藍根

黃藥子

各半兩

右為細末煉蜜為丸如彈子大每服壹丸新

汲水化下細嚼或噙化亦得小兒半丸如婦

人血暈不省生薑薄荷水磨下壹丸

又解毒丸 解世間不測一切毒

山豆根

山茨菰

菘豆粉

各叁兩

板藍根

土馬櫻

黃藥子

紫河車

續隨子仁

木通

盆硝

藿香

五味子

薄荷

貫衆

寒水石

白殭蠶

乾葛

雄黃

百藥煎

各貳兩

茜草根

大黃

朱砂

各壹兩

麝香

半兩

甘草

臘月竹筒盛置糞清

內春白開取
陰乾肆兩

右為細末蒸餅和丸如彈子大以螺青參兩和勻留壹半為衣每服半丸用生薑蜜水化下

三因解毒丸

治誤食毒草并百物毒救人於必死

必死

板藍根

肆兩乾者洗淨晒乾

貫衆

壹兩剉去毛

青黛

研

甘草

生用各壹兩

右為末煉蜜丸如桐子大以青黛另為衣如稍覺精神恍惚即是誤中諸毒急取拾伍丸爛嚼用新水送下即解或用水浸蒸餅為丸尤佳常服參伍丸大解暑熱

神仙解毒萬病丹

一名玉樞丹
一名紫金錠

治一切藥毒菰

子毒鼠莽毒惡菌草金石毒喫疫死牛馬肉毒河豚毒時行瘟疫山嵐瘴癘忽喉閉纏喉風脾病黃腫赤眼瘡癩衝胃寒暑熱毒上攻

或自縊溺水打撲傷損癰疽發背未被魚臍
瘡腫湯火所傷百蟲鼠犬蛇傷男子婦人或
中顛邪狂走鬼胎鬼氣並宜服之凡人居家
或出入不可無此藥真濟世衛家之寶如毒
藥嶺南最多若通官嶺表纔覺意思不快便
服之即安二廣山谷間有草曰胡蔓草又名
斷腸草若人以急水吞之急死緩水吞之緩
死又取毒蛇殺之以草覆上以米灑之數日
菌生其上取爲末酒調以毒入始亦無患再

飲酒卽毒發立死其俗淫婦人多自配合北
人與人情分相好多不肯逐北人回陰以藥
置食中北人還卽戒之曰子某年來若從其
言卽復以藥解之若過期不往必死矣名曰
定年藥北人屈彼亦宜誌之若覺中毒四大
不調卽便服之或於雞豚魚羊鵝鴨等肉下
藥復食此物卽觸發其毒急服此藥壹粒或
吐或利隨服便瘥昔有一女子久患勞瘵病
爲屍蟲所噬磨壹粒服之一時久吐下小蟲

千餘條一大者正為兩段後只服蘇合香丸
半月遂復如常至牛馬六畜中毒亦以此救
乏無不效

山茨菰

南北處處有之俗名金燈籠葉似
三稜二月開花似燈籠色白上有黑點結子
空地得之遲則苗腐爛難尋矣與有毒老
鷄蒜極相類但蒜無毛茨菰上有
毛包裹宜辨去皮洗極淨焙貳兩

川文蛤

一名五倍子槌破洗
刮內浮焙乾貳兩

千金子

一名續隨子去殼揀色極白者用
紙包裹換紙研數拾次去盡油以
色白再研紙無油
成霜為度用壹兩麝香細研淨參錢

紅芽大戟

杭州紫大戟為上江南土大戟
次之去蘆根洗極淨焙乾壹兩
半北方綿大戟色白者大峻利反能
傷人弱人服有吐血者忌之慎之

右各研為細末和勻以糯米粥為劑每料分
作肆拾粒於端午重陽七夕合如欲急用辰
日亦得於木臼中杵數百下不得令婦人孝
子不具足人雞犬之類見之切宜秘惜不可
廣傳輕之無効如癰疽發背未破之時用
冷水磨塗痛處并磨服良久覺痒立消陰
陽二毒傷寒心悶狂言亂語胸膈壅滯邪毒

未發及瘟疫山嵐瘴氣纏喉風冷水入薄荷
壹葉同研下 急中顛邪喝叫亂走鬼胎鬼
氣並用暖無灰酒下 自縊落水死心頭暖
者及驚死鬼迷死未隔宿者並冷水磨灌下
蛇犬蜈蚣傷並用冷水磨塗傷處 諸般
瘡疾不問新久臨發時煎桃柳枝湯磨下
小兒急慢驚風五疳八痢蜜水薄荷壹葉同
磨下 牙關緊急磨塗壹丸分作叁服量大
小與之 牙痛酒磨塗及含藥少許吞下

湯火傷東流水磨塗傷處 打撲傷損炒松
節無灰酒下 年深日近頭疼太陽疼用酒
入薄荷葉磨紙花貼太陽穴上 諸般癩疾
口眼喎斜眼目掣眩言語蹇澀卒中風口噤
牙關緊急筋脉攣縮骨節風腫手脚疼痛行
步艱辛一應風氣疼痛並用酒磨下有孕婦
人不可服 一方加山豆根全蝎
朱砂雄黃各壹兩
保靈丹 治蠱毒諸毒一切藥毒神効
朱砂 淨細研壹兩 大山豆根 半兩 雄黃

黃丹

麝香

黃藥子

續隨子

生并朱各
貳錢半

川巴豆

肥者取
肉不去

油貳
錢半

蟹螯

貳錢半
去頭足

糯米

半生
半炒

赤蜈蚣

貳條壹生壹炙

右各修治入乳鉢研和於端午重陽臘日修
合不令雞犬婦人見用糯米稀糊丸如龍眼
核大陰乾磁合收每壹丸好茶清吞下不得
嚼破須臾病人自覺心頭如拽斷皮條聲將
次毒物下或自口出或大便出嫩則是血老

則成蠶或蜣螂諸雜帶命之物藥丸疑血並
下以水洗淨收可救參人如中毒口噤即挑
開下藥或蛇蝎兩汗諸毒以好醋磨傳患處
立解服藥已效如知毒害之家不必研究若
訴之其毒再發不救瘥後更忌酒肉毒食壹
月惟軟飯可也或急用但擇吉日精潔修合
青黛雄黃散 凡始覺中毒及蛇蟲咬癰疽纔
作即服此令毒氣不聚

好青黛

雄黃

各等分

右研細新汲水調下貳錢

歸魂散 凡初中蠱在膈上者當用此藥吐之

白礬 建茶 各壹兩

右貳味為細末每服伍大錢新汲水調下頓服一時久當吐毒出此藥入口其味甘甜並不覺苦味者是也

雄朱丸 治蠱毒從酒食中著者端午日合

麝香 別研 雄黃 朱砂 俱另研

赤脚蜈蚣 微炙去足 續隨子 各壹兩

右為細末入雄黃朱砂麝香研勻以糯米煮粥和丸如芡實大每服壹丸熱酒吞下毒當與藥俱下

桔梗散

桔梗 去蘆不以多少擇味苦者剉碎微炒

右為細末每服叁錢米飲調服不拘時候此藥不吐不利加之易為收買多服有益如服吐利藥後日進兩叁服使毒氣日漸消散不致再發動也

石刻方 治蠱毒無論年代遠近但煮壹鴨卵
挿銀釵於內并噙之約壹食頃取視釵股俱
黑卽中毒也

五倍子 貳兩

硫黃末 壹錢

丁香

木香

麝香

輕粉 各少許

糯米

貳拾粒

甘草

叁寸半
生半條

右用水拾分於瓶內煎柒分候藥面生皺皮
爲熟綃濾去滓通口服病人平正仰卧令頭
高覺腹中有物衝心者叁次卽不得動若吐

以盆桶盛之如鯨魚之類乃是惡物吐罷飲
茶壹盞瀉亦無妨旋煮白粥補忌生冷油膩
鮮醬拾日後服解毒丸叁伍丸經旬平復

七寶丸

治蠱毒

敗鼓皮

蠶退紙

各燒
存性

刺蝟皮

五倍子

續隨子

朱砂 研

雄黃

研各等分

右爲細末糯米稀糊和丸如梧桐子大每服
壹柒丸空心用熟水送下

東坡雄黃丸 治蠱毒及蟲蛇畜獸毒

雄黃 明礬 生用各等分

右於端午日合研細熔黃蠟和丸如梧桐子大每服米丸念藥王菩薩藥上菩薩米徧白湯送下

蜜髓煎 治中蠱毒令人腹內堅痛面自青黃

病變無常

蜜 壹椀 猪骨髓 伍兩 研

右同煎令熟分作拾服日叁服即瘥

馬兜鈴根湯 治五種蠱毒及草蠱術在西京

處及嶺南人若行此毒入人咽刺痛欲死者

用馬兜鈴根壹兩細剉以水壹盞煎至柒分

去滓空心頓服當時吐出蠱末吐再服以快

為度一方以苗為末温水調服一方用根搗

末水服方寸匕

治諸蠱毒方

右用鰻鱺魚乾末空心服之叁伍度瘥一方燒炙令香食之尤佳其魚有五色紋者良

鐵精丸 治食中有蠱毒腹內堅痛面目青黃瘦瘁淋露骨立病變無常

鐵精 乃煨鐵爐中如塵紫色 輕者為佳不拘多少

右為細末以生雞肝搗和丸如梧桐子大曝乾每服伍丸茶丸温酒下

治中蠱毒

右用山豆根不以多少密遣入和冰研已聲服少許不止再服

槲皮散 治蠱毒下血如爛肉片心腹疼痛

有物齧若不即治食入五藏乃死

槲木 北陰 桃根白皮 各肆兩並細剉

蝟皮灰 亂髮灰 各壹兩 火麻子汁 伍升

右先以水伍盞煮槲皮桃根皮取濃汁貳盞和麻子汁每服暖汁壹盞調蝟皮灰髮灰貳錢七令患人少食且服須更用水壹盞以雞翎引吐於水中如牛涎諸蠱並出

治中蠱毒下血如肝

草麻子 壹粒 朴硝 壹錢

右細研作壹服新汲水調下連作貳叁服効
地榆散 治蠱毒下血或腹痛或不痛百治不
効煩渴不止

臭榆根 東引根白皮
蜜炙焙乾

地榆 各半兩

右爲細末每服壹錢熱米飲調下

苦瓠湯 治蠱毒吐血或下血如爛肝

右用苦瓠壹枚切以水貳大盞煎取壹盞去
滓空心分溫貳服吐下蠱節愈范汪方云苦
瓠毒當臨時量用之肘後方云用苦酒壹升

煮令消飲之神驗一名苦葫蘆

療卒中蠱下血如雞肝者晝夜出血石餘四藏
皆損惟心未毀或鼻破待死者

右以桔梗搗屑以酒服方寸七日參服不能
下藥者以物拗口開灌之心中當煩須臾自
定服柒日止當猪肝臠以補之神良

茜根散 治蠱注下血如雞肝體熱心腹中煩
悶

茜根

川升麻

犀角屑

地榆 剉

黃芩

黃連 炒各壹兩

右為散每服肆錢水壹中盞煎陸分去滓不拘時溫服

雄黃散 治中蠱毒吐血

雄黃 貳錢伍分研

伏龍肝 半兩研

蟹螯 去足翅糯米炒拾肆

枚去糯米

獺肝

如棗炙

右為細末每服貳錢七空心以酪漿調下或吐蝦蟆及蛇蟲等出是効

麥麩散 治中蠱吐血

右用小麥麩貳合分為叁服以冷水調下半日服盡當下蠱即瘥

黃龍湯 治因食中毒

右將竈底當釜直下掘取赤土為細末以冷水調隨多少服之或以犀角水磨取汁飲亦治食六畜肉中毒大効

解一切食毒及飲酒不知中何毒卒急無藥可解

薺芫

甘草 生用各貳兩

右細剉以水伍盞同煎取貳盞俟冷去滓分
參服一方解一切藥毒加蜜少許同煎服之
食躁或躁方用豉煮濃汁飲之

解麩毒方

右以蘿菔啖之麥麩太熱蘿菔能解其性
治中豆腐毒方

右用生蘿菔煎湯如非時無蘿菔用子煎湯
亦可有人好食豆腐因中其毒醫治不効偶
更醫醫至中途適見做豆腐之家夫婦相爭

因問云今早做豆腐妻誤將蘿菔湯置腐鍋
中今豆腐不成蓋豆腐畏蘿菔也醫得其說
至病家凡用湯使俱以蘿菔煎湯或調或嚥
病者遂愈

解菰子毒及一切菌毒

右用荒花生者為末每服壹錢新汲水下以
利為好

中草毒方

忍冬草生啖之即金銀花也又名老翁鬚又

醫方類聚 卷之五 雜考 五

名鴛鴦草掘地作坑以新汲水投坑中攪
 乏乘渾濁取出以絹濾過用磁器盛每服時
 調轉飲壹盞至叁盞當効人糞汁飲壹升
 大豆濃煮汁飲之服諸吐利藥並解
 取糞汁法截淡竹去青皮浸滲其中取筒中
 汁是也食楓樹菌而笑不止亦治以前方
 蠱毒吐瀉不止者用細茶芽研細以新汲井水
 服神効治蠱毒欲死方用石首魚頭或鯨
 頭亦妙白水煮汁灌之即愈治中蠱毒用

笹竹不入泥者數節煎湯飲之立効荷葉

殺蠱毒

誤食芋煩毒欲死亦治以前方其芋根山東人
 名魁芋人種芋叁年不收亦成野芋並殺入
 蜀椒閉口者有毒誤食之戟人咽喉氣欲
 絕或吐下白沫身體痺冷急治之用肉桂煎
 汁飲之或食蒜或食地漿或濃煮豆豉
 汁飲之並解
 鈎吻與芹菜相似誤食殺入解之用薺萇捌兩

水陸升者取貳升分温貳服鈎吻生池傍無
他異其莖有毛以此別之

菜中有水苣蓿葉真而光有毒誤食之令人狂
亂狀如中風或吐血治之用甘草煮汁服之
解

春秋二時龍帶精入芹菜中入偶食之爲病發
時手背腹滿痛不可忍名蛟龍病治之用鴆
糖貳參升日兩度服之吐出如蜥蜴參伍枚
瘥

食苦瓠中毒治之用黍稷煮汁服之解

飲食中毒煩滿治之用苦參參兩苦酒壹升半
煮半沸三上三下服之吐食出卽瘥或以米
煮亦得犀角湯亦解

貪食食多不消心腹堅滿痛治之用鹽壹升水
參并煮令鹽消分參服當吐出食便瘥

治鬱肉漏脯中毒
燒太屎酒服方寸匕或服人乳汁或飲韭汁
二三升亦良鬱肉密器蓋之隔宿者是也

漏脯茅屋漏下沾著者是也

治黍禾中藏肝脯食之中毒方

大芎濃汁飲數升即解亦治狸肉漏脯等毒

治食生肉中毒方

掘地深叁尺取其下土叁升以水伍升煮數

沸澄清汁飲壹升即愈

治自死六畜肉中毒方用黃蘗搗屑服方寸匕

治食自死鳥獸肝中毒方

右取故頭巾垢壹錢七熱湯中煇服之亦治

卒心痛以沸湯取汁飲之頭巾即縛髻帛也

又方飲豉汁數升良

治食六畜肝中毒方凡物肝藏不可輕啖自

死者尤毒

右用豆豉以水浸絞取汁旋服之

治食馬肝牛肉毒方

右以人乳汁合豉濃汁服之神效

治馬肝毒中人未死方

雄鼠屎二十七粒末之水和服日再服者屎是又

毒類 卷之八 毒類

人垢取方寸匕服之佳

治馬肉中毒欲死方

香豉貳兩杏仁參兩相和蒸一食頃熟碎服日再服又方煮蘆根汁飲之良

治噉蛇牛肉食之欲死方

飲乳汁壹升立愈以泔洗頭飲壹升愈牛膝細切以水壹斗煮取壹升飲之即解辨噉蛇牛肉毛髮

向後順者是也

鳥獸有中毒箭死者其肉毒

用大苳煮汁及藍汁服之即解

治河豚毒方

五倍子 白礬

右等分爲細末水調服之

治食河豚魚中毒一時困殆倉卒無藥以清油

多灌之使毒物盡吐出爲愈

食魚後中毒物煩亂用陳皮濃煎汁服之即解

食鯀魚中毒用蘆根煮汁服之即解

食蟹中毒用紫蘇煮汁飲叁升紫蘇子搗飲之

毒類 頁八

亦良 冬瓜汁飲貳升喫冬瓜亦可
食果中毒用猪骨燒過末之服方寸七亦治馬
肝漏脯等毒

誤飲蛇交水毒方 陳齋郎湖州安吉人因涉
春渴掬澗水兩口嚥數日覺心腹微痛日久
疼甚服藥醫診之云心脾受毒今心脉損甚
齋荅云去年涉春渴飲澗水得此病醫云喫
却蛇在澗邊遺下不淨在澗水內蛇已成形
在腹中食其心而痛也遂以水服調雄黃服

之果下赤蛇數條皆能走

誤吞蜈蚣用生雞血令病人喫須臾以清油灌
口中其蜈蚣滾在血中吐出繼以雄黃細末
水調服愈

治中諸藥毒

生甘草 黑荳 淡竹葉 各等分

右以咀用水壹椀濃煎連服

藍根散 解藥毒

藍根 剉壹握 蘆根 剉壹握 菘荳 研貳錢半

澱脚壹合研

右先將貳根以水壹碗煎至柒分去滓次入後貳味和勻分叁服或壹貳服利下惡物不用再服

粉草飲 凡中藥毒即令食生黑豆數粒食之

聞腥者即非中毒也若是吐逆躁煩服藥須

極冷即解也

甘草生用壹兩

白礬生半兩

延胡索壹兩

右剉細每服半錢水壹盞煎至陸分去滓放

冷細細呷之

解一切藥毒草毒六畜肉中毒方

右用白扁豆生曬乾為細末新汲水調下貳

叁錢七

解藥毒方 王仲禮嗜酒壯歲時瘡瘡發於鼻

延於額心甚惡之服藥不効僧法滿使服何

首烏丸當用貳斤適境僕識草藥乃掘得之

其法忌鐵器但於砂鉢中藉黑豆蒸熟既成

香味可人念所蒸水必能去風證以額面初

覺極熱漸加不仁至晚大腫眉目身鼻渾然
無別望之者莫不驚畏王之母高氏曰凡人
感風癩非一日積吾兒遇毒何至於此吾聞
山豆根 赤小豆 黑蛤粉
生薑汁
右急命僕搗換薑汁以上參味爲末調傅之
中夜腫消到曉如初蓋先採何首烏擇焉不
精爲狼毒雜其中以致此撓也
解藥過劑毒 服附子酒多而覺頭重如斗唇

裂血流急求黑豆菘豆各數合嚼之及濃煎
黑豆菘豆湯併飲 服風藥多悶亂不省醋
灌濃煎甘草同生薑自然汁頓飲之又方以
螺青細研新汲水調下
白扁豆飲 一名巴豆膏 解砒毒等
右用白扁豆不以多少爲細末入青黛等分
細研再入甘草末少許巴豆壹枚去殼不去
油別研爲細末取一半入藥內以砂糖壹大
塊水化開添成壹大盞飲之毒隨利去後却

服五苓散之類

解砒毒鼠莽毒用旋刺下羊血及雞鴨血熱服
藍飲子解砒毒及巴豆毒用藍根砂糖貳味相
和搗水服之更入薄荷汁尤妙

解砒毒方

其證煩躁如狂心腹攪痛頭旋欲

吐不吐面色青黑四肢逆冷命在須臾不救
用菜豆半升搗去滓以新汲水調通口服或
用真靛花貳錢分貳服以井花水濃調服之
又方治悶絕心頭溫者新汲水調米粉服之

治中砒毒方

用甘草汁同藍汁飲之即愈

解砒毒方

右以豆豉煎濃汁飲之亦治服藥過劑心中

煩悶

解砒毒用早禾稗燒灰新汲水淋汁濾過冷服
壹碗毒從利下即安又方用井花水調豆粉
或菜豆搗米汁皆可

解砒毒

漢椒肆拾玖粒

黑豆拾肆粒

甘草節貳寸碎之

烏梅 貳箇

水壹盞煎至半分温服

解鼠莽草毒用枯過明礬同上等好茶末少許
新汲水調服人有用之累効又用大黑江豆
煮汁服之如欲試其驗先刈鼠莽苗葉以豆
汁澆其根從此敗爛不復生矣 又用枯蓮
房殼帶梗陰乾吹咀煎水貳叁碗灌之如無
用荷葉中心蒂或用藕節煎湯壹碗温冷灌
之毒即散

巴豆毒方

其證口乾兩臉赤五心熱利不
正諸藥不効者

右用芭蕉根葉研取自然汁服利止而安

治藥中用巴豆下利不止

乾薑 炮

黃連 微炒各壹兩

右為細末每服貳錢水調下如人行五里再
服 又煮菘豆湯冷服之瘥

齊苾湯

療石毒卒發者慄慄如寒或飲食或
不飲食若服紫石英發毒者亦熱悶昏昏喜

卧起止無氣力或寒皆是藏府氣不和以此治之

齊苧 肆兩

茯苓

黄芩

芍藥 各貳兩

蔓菁子 壹升

藍子

人參

炙甘草 各壹兩

以水壹斗先煮蔓菁子取捌升去滓內餘藥煎取叁升去滓分叁服日叁若虛弱人加人參壹兩若上氣加茯苓齊苧各壹兩甚良

治銀毒方

黄連 去毛

甘草 生剉各壹兩

右剉碎以水叁盞煎取貳盞去滓時時飲之良

治丹砂毒方

用鹽半兩以冷水攪勻令澄旋旋服之

治石鍾乳毒方

右用紫石英為細末每服壹錢七溫水調下連叁服

黑鉛酒 治中金石藥毒

黑鉛壹斤以乾鍋溶作汁投酒壹升如此拾數廻候酒至半升去鉛頓服之効一方以井水磨下解砒毒

解丹毒方以地漿服之甚効

治一切藥毒蠱毒金石毒

並用石蟹以熟水磨服

治五石毒用薺菜汁生服良

治丹石毒以蚌肉食之良

解漆毒方一州牧以生漆塗囚兩眼囚已盲

適有村叟憐而語之曰汝急尋蟹搗碎濾汁滴眼內漆當隨汁流散瘡亦愈矣如其言訪得一小蟹用之目睛好畧無損

治中蟲毒

右用生蒼耳葉筒白礬兩阜角子許嚼

塗咬處須男子嚼之餘藥傳腫處

治溪毒中毒

右以知母連根葉搗作末服之亦可服水搗取汁飲貳升夏月出行多取此屑自隨欲入

五加皮 卷之六 五加皮

米先取少許投水上流便無畏兼辟射工亦可和米作湯浴之甚佳

葱白湯 治中水毒溪毒如傷寒狀

葱白 壹握 豉 半升 葛根 貳兩

升麻 柒錢

右剉如豆大每服肆錢匕水貳盞煎至壹盞去滓不拘時溫服移時再服

五加皮散 治中水毒溪毒如傷寒狀

右用五加皮研為細末每服壹錢匕酒壹盞

調下日貳夜壹粥飲調亦得一方以五加皮根燒研為末水調服

牡丹散 治中水毒溪毒下部蟲蝕生瘡

牡丹皮為細末每服貳錢匕酒壹盞調下日參服

五加皮 卷之六 五加皮

神效剪紅丸 專取一切蟲積神效無比凡人
百病皆因飲酒過度食傷生冷致使脾胃不
和心膈脹滿嘔惡咽酸常吐清水面色痿黃
不進飲食山嵐瘴氣水腫蠱脹胸脇欬嗽痰
涎壅滯酒積食積氣積氣塊番胃噎膈嘔逆
惡心腸風痔漏臟毒酒痢累蘊積熱上攻頭
目下生瘡癬婦人血氣寒熱往來肌體羸弱
月經不調赤白帶下鬼氣鬼胎產後諸疾小

蟲

神效剪紅丸 專取一切蟲積神效無比凡人
百病皆因飲酒過度食傷生冷致使脾胃不
和心膈脹滿嘔惡咽酸常吐清水面色痿黃
不進飲食山嵐瘴氣水腫蠱脹胸脇欬嗽痰
涎壅滯酒積食積氣積氣塊番胃噎膈嘔逆
惡心腸風痔漏臟毒酒痢累蘊積熱上攻頭
目下生瘡癬婦人血氣寒熱往來肌體羸弱
月經不調赤白帶下鬼氣鬼胎產後諸疾小

兒五疳蟲積誤吞銅鐵誤食惡毒等物並宜服之每服五更雞鳴時用冷茶清吞下更用馬桶盛糞於野地看之庶見藥功易辨或蟲或積或如爛魚凍或作五色等積若壹次未見蟲積更看第貳叁次下來此卽是病根有積消積有氣消氣有蟲取蟲有塊消塊若病根去其病自消若病淺卽壹服見效若源深更須再壹服能宣導四時蘊積春宣積滯不生瘡毒夏宣暑濕不生熱痢秋宣痰飲不生瘴瘧冬宣風寒不生瘟疫此藥溫和不動元陽真氣亦無反惡小兒半服孕婦休服其效如神

瘴瘧冬宣風寒不生瘟疫此藥溫和不動元陽真氣亦無反惡小兒半服孕婦休服其效如神
壹上末 檳榔生研細取淨末壹斤以貳兩爲母餘拾肆兩上第壹次以壹等羅篩過取齊曬乾
貳上末 商陸卽樟柳根白者可用赤者殺入金毛狗脊貫衆各肆兩已上叁味和壹處研極細末上第貳次以貳等羅篩過取

良 類方 卷之六 五十五

齊曬乾又坊不用貫衆則蟲出來猶未死也

參上末 三稜醋煮莪朮醋煮各捌兩青木香西木香各肆兩雷丸醋煮貳兩半南木香貳兩已上陸味和壹處研極細末上第參次以參等羅篩過取齊

肆上末 太黃鋤碎酒浸曬乾研細取淨末壹斤上第肆次以肆等羅篩取齊曬乾伍上末 黑牽牛半生半炒研細取頭末淨

壹斤上第伍次以伍等羅篩過取齊曬乾又方有枳殼壹斤爲母有藿香肆兩和入諸香

右作五處另研極細末要作五次上末却用茵陳半斤太阜角壹斤煎汁濾淨法水爲丸如菘豆大曬乾後用丁香末壹兩或加蘆薈末壹兩亦妙以前淨汁煎壹滾灑入丸藥旋搖令光瑩爲度再以阿膠貳兩生以前汁熬熔灑入丸藥旋搖光瑩曬乾壯人每服五錢

弱人每服肆錢五更以茶清吞下小兒減半
萬應丸 取蟲積神效

黑牽牛取頭末 大黃 檳榔各捌兩

雷丸醋煮 南木香各壹兩 沉香伍錢

右將黑牽牛、大黃、檳榔和壹處為末以大皂
角、苦練皮各肆兩煎汁法水為丸如菉豆大
後以雷丸、木香、沉香和壹處研末為衣每服
參肆拾丸五更用砂糖水送下或作末服亦
可

追蟲丸 取一切蟲積

黑牽牛取頭末 檳榔各捌兩 雷丸醋炙

南木香各貳兩

右為末茵陳貳兩大皂角苦練皮各壹兩煎
濃汁法水為丸如菉豆大大人每服肆錢小
兒參錢或貳錢或壹錢半量人虛實五更用
砂糖水吞下待追去惡毒蟲積貳叁次方以
粥補之

下蟲丸 追蟲取積

苦練皮

去列龜皮用根皮

右末麪糊丸如彈子大如欲服藥宜戒午飯

哺時預食油煎雞卵餅壹貳箇待上牀時滾

白湯化下壹丸至五更取下異蟲為効

化蟲丸

治諸蟲

鶴虱

去土

檳榔

苦練根

胡粉

炒各壹兩

白礬

枯貳錢半

右為末米糊為丸如桐子大壹歲服伍丸量人太小加減丸數溫漿水入生麻油參肆點

打勻送下清米湯亦可不拘時其蟲細小者皆化為水大者自下

集効丸

治因藏府虛弱或多食甘肥致蛔蟲

動作心腹絞痛發則種聚往來上下痛有休

止腹中煩熱口吐涎沫是蛔咬宜服此藥若

積年不瘥服之亦愈又治下部有蟲生痔

痛

木香

鶴虱

炒

檳榔

訶子

麪裹煨去核

蕪荑

炒

附子

煨去皮臍

乾薑各柒錢半 大黃壹兩半 烏梅拾肆箇去核

右為末煉蜜丸如桐子大每服叁肆拾丸食前用陳皮湯下婦人淡醋湯送下

秘方萬應丸 治大人小兒腹內有蟲及積氣

塊痛小兒疳病

三稜醋炒 莪朮各伍錢醋炒 檳榔壹兩

陳皮扶炒黃色 橘紅各伍錢 蕪荑貳錢半

雷丸伍錢 鶴虱叁錢微炒 乾漆炒無煙伍錢

木香貳錢不見火 良薑貳錢陳壁土炒 砂仁貳錢去殼

史君子取肉 麥蘖麩炒各伍錢 胡黃連炒

炙甘草各叁錢 神麩炒黃色伍錢

右為細末醋打米糊丸如菉豆大每服叁伍

拾丸空心淡薑湯送下

取蟲積方

檳榔 牽牛各半斤 雷丸壹兩半

苦楝皮壹兩 大黃肆兩 皂角半斤

三稜 蓬朮各貳兩另剉同醋煮

木香隨意加入

右為細末煎皂角膏子煮糊和丸如黍米大
每服貳錢四更時分冷茶送下小兒壹錢下
蟲以白粥補之

萬靈丸 取積追蟲

黑牽牛 壹斤取頭末
拾兩生用

大腹子 壹斤
者取末

尖者生用如
是檳榔蓬木 雷丸 貳兩
炮

京三稜 炮

雷丸 炮 廣木香 各伍
兩煨

右為細末研勻用好紫色皂角半斤去皮弦
切碎用水兩大盞浸壹宿冬月浸兩宿撈去

麤滓銅磁器內熬數沸白沫出為度放冷和
藥必須揉搗為丸如梧桐子大每服肆錢重
五更時砂糖水送下温冷不妨至天明利三
五行看取下是何蟲積以温白粥補之忌食
生冷魚腥硬物孕婦勿服

檳榔湯 治三蟲并寸白蟲

右用檳榔叁枚以灰火煨過麤搗篩用水叁
盞煎至壹盞半去滓分叁服空心日午近夜
各壹服其蟲盡下或和葱白鹽豉同煮飲之

亦佳一方治寸白蟲用檳榔貳柒枚剉碎以
水貳升半煮皮取壹升半去滓肉末頻服暖
卧蟲出或不盡更服取瘥止宿勿食且服之
麥門冬湯治肺勞熱生蟲其形如蠶令人欬
逆氣喘或謂憂膈氣膈悲膈寒膈熱膈此皆
從勞氣所生名曰膏肓病針灸不至

麥門冬去心拾兩乾薑炮
出汗各壹兩
黃芪剉
百部焙
蜀椒去目并合
人參
桂去麤皮各壹
兩貳錢半

遠志去心附子炮去皮臍細辛去苗葉
炙甘草各壹兩半杏仁去雙仁皮尖焙乾
右為細末煉蜜和更於鐵臼內塗酥杵令勻
熟化如酸棗大含化稍稍嚥津一方有檳榔
一方無白木

桑根白皮酒治肺勞熱生蟲在肺為病
桑根白皮取東引者剉壹升吳茱萸根皮取
引者淨刷去土五兩狼牙去連苗處淨
右細剉用酒柒升煮至貳升去滓分作叁服

每日空心壹服一方無狼牙

前胡湯 治脾勞有白蟲長壹寸在脾為病令

久好嘔胸中欬欬即嘔而不出

前胡 去蘆

白朮 剉

細辛 去苗葉

赤茯苓

枳殼 去穰

常山 剉

松蘿

旋覆花 各壹兩半

龍膽 去苗

杏仁 去雙仁皮尖

麩炒各壹兩

右剉碎每服半兩水貳盞入竹葉拾片泥淨細切同煎至壹盞去滓空心服吐之即瘥若

腹中熱滿加芒硝半錢梔子仁壹兩黃芩壹兩半苦參壹兩一方用枳實無枳殼

茱萸根浸酒方

治脾勞熱有白蟲在脾中為

病令人好嘔

吳茱萸根 取東引者壹尺剉

麻子 剉升淨揀

陳皮 去白炒貳兩

右先搗碎橘皮麻子如泥然後拌茱萸根用酒壹斗浸壹宿慢火上微煎絞去滓分作五服每空心溫服蟲即下凡合藥時忌食合殺

蟲藥一方以水煎服

雷丸九 治心臟勞熱傷心有長蟲名曰蠱長

壹尺貫心為病

雷丸 灰火二炮過

橘皮 湯浸去白焙 桃仁 去雙仁皮尖殼炒各

壹兩貳錢半

貫眾 大者去鬚半兩 白蕪荑 炒

青柏子 炒

乾漆 炒煙出各壹兩 狼牙 去連苗處淨刷去土

壹兩半

亂髮 如雞子大壹塊燒為灰研

右為細末研勻煉蜜和更於鐵臼內塗酥杵令勻熟丸如梧桐子大每服拾伍丸空心用

溫酒送下至晚再服米飲亦得一方不用塗

酥一方有殭蠶吳茱萸根皮

貫眾散 治腎勞熱四肢腫急有螻蟲如菜中

蟲生於腎中

貫眾 大者叁枚去鬚 乾漆 炒令煙絕貳兩 吳茱萸 水洗切末編焙乾

槐白皮 乾者剉 白蕪荑 炒各壹兩

胡粉 炒黃色研壹兩 杏仁 去皮尖雙仁炒半兩

右為細末研勻每服貳錢空心井花水調下

日晚再服

水銀膏 治蟻蟲咬入下部痒

右水銀壹兩用蒸棗膏和丸如人指大綿裹
臨卧内下部中壹宿内藥時常留綿帶子在
外一方云水銀損腸宜慎之

蠶蛹汁方 治蛇蟲

右取線絲蠶蛹兩合爛研生布絞取汁空心
頓飲之非線絲即須依時收取蠶蛹曝為細
末用時以意斟酌多少和粥飲服之

錫灰丸 取寸白諸蟲

錫灰 壹兩 雞心檳榔 貫衆 各半兩

木香 貳錢 輕粉 黃丹 各貳錢

右為細末酒醋煮麪糊為丸如荔枝大每服
壹丸米泔浸軟日午先喫飯了至黃昏不饑
飽時喫肉脯壹片引蟲少刻温酒嚼下至天
明蟲出又喫韭菜亦治寸白蟲

治寸白蟲令化為米

狗脊 貫衆 白蕪荑

酸石榴根 壹兩

右剉碎每服半兩以漿水壹大盞煎至五分
去滓肆更初温服先於晚間不得喫夜飯
治寸白蟲為水瀉出永除方

樵子

檳榔

蕪荑

各等分

右為細末每服貳錢温酒調服先喫燒牛肉
脯後服藥

聖功散 治寸白蟲不拘久近神效

南木香

檳榔

各等分

右為細末每服參錢濃米飲調下黎明空心

先熟嚼炙猪肉之屬只嚙汁吐去滓便服藥
辰巳間蟲下其疾永除

治寸白蟲方

右用樵子肆拾玖枚去皮以月上旬平旦空
心服柒枚柒日服盡蟲消成水永瘥又云食
實柒枚半白滿蟲化為水一方以百枚只燃
啖之食盡佳不能者但啖伍拾枚亦得經宿
蟲消自下一方并治三尸蟲

又方

日

類

卷

用黑鉛灰錫灰炒肆錢壹服先喫猪肉脯少許一時來却用砂糖濃水半盞調灰五更服蟲盡下白粥將息一日良予宜和中每覺心中多嘈雜意謂飲作又疑是蟲漫依良方所說服翼日下蟲貳條壹長貳尺五寸頭匾闊尾尖銳每寸作壹節斑斑如錦紋壹條皆寸斷矣

治濕墮方

青黛 貳兩

黃連

黃礬

丁香 各壹兩 麝香 貳分
右為細末以車脂和如棗大內下部日一二度

治蟲蝕下部肛盡腸穿者

右取長股蝦蟆青背者壹枚雞骨壹分燒為灰合和吹下部令深入累用効

寛文十年歲在庚戌仲春吉辰

銅駝坊書林

村上平樂寺刊行

